



*Abraham trépassa ayant vescu cent septante-cinq ans : Rebecca enfanta à Isaac deux gemeaux, Esäu, & Jacob.*

**A** PRES la mort de Sara, Abraham prend vne autre femme nommée Cetura, dont il eut Zamran, Iefan, Madan, & Madian, Lesboc, & Sue, dont plusieurs grandes generations sont issuës. Apres donc qu'Abraham eut vescu cent septante-cinq ans, défailant de vieillesse il mourut, & Isaac, & Ismaël l'enseuelirent en la cauerne double du champ d'Ephron, avec Sara sa femme. Or apres la mort d'Abraham, Dieu benit Isaac son fils; & Isaac habitoit prés le Puy, dit, du viuant, & du voyant. Il pria le Seigneur, pour la sterilité de sa femme Rebecca, laquelle conceut deux enfans, qui s'entre-pouffoient dans son ventre, dont Rebecca se plaignit, & le Seigneur luy dit; Deux peuples départiront de tes entrailles, & vn surmontera l'autre; car le plus grand seruira au moindre. Et en son temps Rebecca enfanta deux fils gemeaux; le premier estoit roux & comme velu, son nom fut appellé Esäu; & l'autre venant apres, tenant le talon de son frere, fut appellé Jacob. Leur pere Isaac estoit lors aagé de soixante ans, quand ils nasquirent, lesquels deuinrent grands, & Esäu estoit entendu à la chasse, & Jacob homme simple se tenoit és tabernacles.